

Yensa Anjoolinekeh

A emissiyonjo inno, inninghunonjo ho Gúloku Díino ayéjne a gubaarhu waato no Yensa anjoolinekehne a duniyano.

Lentaarenjo mara fo Yensa anjoolinne arijanna, a waato nómar ñantaalibehu Yensa anféfeg maleekanojo.

Maleekanojo anakanjo.

Angu, maleekanojo, neerajo ganlóbne ñantaalibehu Yensa?

Jantentenjo Gúloku Díino.

¹⁰ Angu ñantaalibenjo f'anwonnáne na anlanjunin guningo a raafo, índiigeen inak anfúror. Bayaah bafer gankaanane. ¹¹ Anyéjeeninjo:

- Ninkinan ii, índiigeenenku Galile,
horan̄ guwonnen̄ne imbi k'uninghen̄
a raafo ineen̄? Yensa, man̄ ni
úfegeñne n'adékorumne ba arjanna
man̄ nim gañoolinekinehne.
(Ñambúuñuraan̄o 1:10-11)

Angu, maleekañan̄o anyéji mara Yensa
añoolinekineh.

Man̄ ni anfégne Yensa n'adékorumne ba
arijanna, man̄ nim gañoolinekinehne.

Jandin̄ baniromne, Yensa alóblob ingi
ñantaalibehinem a gubaarhu waato
n'añoolinekinehineh a duniyan̄o.

Ayéjeenin̄....

⁷ Guyennehin̄en̄ biñaamo imbe bim,
dahu údeyun̄en̄. Gantengahoonun̄

maro biñaamo ayikhineh, dahu
údeyunen. Hómárán níp ayikhineh
kanda agidaháneh ni kadéthu
duniyaño n'aron. ⁸ Jandiñ duniyaño
badétum siyeño añaamháneh ingi
adíinem siy, maasa añaam ingi
adíinem maasa. Didiiraño ayindina
fo akimbula bilabahi. Kúugo alaba.
(Mak 13:7-8)

Yensa atéekinteekein ñantaalibehinem mara
jandiñ bañoolinimer a duniyaño ayikhineh
biñaamo jup.

Afak ayéj mara didiiraño ayindinaháneh fo
akimbula bilabahi.

Kúugo mees alabaháneh a duniyaño.

Angu, a waato inno, mañ hómár
gínfekoñe!

Benen benen a duniyaŋo, biñaamo ayikyik.

Júun júun uyennehinkineh a radiyoŋo a gubaarhu ni didiiraŋo ayindinane bítig bíduk a duniyaŋo.

Kúugo mees, alabalaba a waato inno a duniyaŋo.

Hómáráŋ níp tamaaser.

Díino gajellihinejellihin mintor mara damiñ Yensa aŋoolinekinah a duniyaŋo.

Kanda Yensa afak ayéj mara jandiŋ baŋoolinimer, ayikhineh waathu kuyoho a duniyaŋo níp.

Kunyoh kúnde

Jantenteŋ ho Yensa alóbne.

¹⁹ Úpájuleŋ, waato nómár jamaŋo anyokáneh dáde. Kunyoho kúmmár k'adékekinehne afankáneh kunyoho k'ayikne fam nip. Biriman waato no Díino ayabne duniyaŋo yikahadaŋ kunyoh k'ammiirhinehne ingi kunyoho k'adékekinehne. Kunyoho kúmmár awusunadir dafak ayik kúnduk k'ammíirhinehne nim.

²⁰ Agida káriman fam Umuyhintor ayéjyej adék ataahihineh waathu kunyoho kúmmár. Aji nim gireŋer jamaŋo nip andék ankoomuhuneh. Agida Díino ayikyik jamaŋ m'acaaben a duniyaŋo inno. Gúmár akanne ayéj ataahihineh waathu kunyoho mara síibaaraŋ ki jamankánam anyoh. (Mak 13:19-20)

Angu, Yensa ayéji mara jandin
bañoolinimer, ayikhineh kunyoh kúnde a
duniyaño.

Ayikhineh biñaam bíde.

Aguyhuneñ biñaam baguy, aji deke
mukuroñ, jamaño nip a duniyaño
anniiruhuneñ.

Yensa ayéji mara aji Díino mukundoñ
kunyoho kúmmár, jamaño mi waato nómar
nip ankoomuhuneñ.

Kanda jandin jamaño nip banirom, Yensa
añoolinekineñ.

Akankáneh ki biñaamo bímar adét.

Angu Yensa afak ayéj:

²⁴⁻²⁵ Kanda waato nómar
awusunadir:

Bísibaŋo dayaaŋ,

júuno amurihineh,

bahúuro anenekineh.

H'agune a raafo ayindinaháneh.

²⁶ Hómár tu ayikdir jamaŋo
anfékineh Údiigeeno M'acaabenaane
n'adékirehne. Anfékinem
n'adékirehne ingi hakubo ingi sembe
ingi bafuuh báde ingi leerhu Díino.
(Mak 13:24-26)

Angu, jandiŋ Yensa baŋoolinimer,
ayikhineh biñaam bíde a duniyaŋo.

Kanda Díino akankáneh ki Bísibaŋo dayaaŋ,
júuno amurihineh,
bahúuro anenekineh.

H'agune a raafó ayindinaháneh

Aji anfégi hómár, jamaño níp
anjuhulaháneh.

Hómár tu ayikdir jamaño anfékineh Yensa
n'adékireh ingi hakubo.

Adékekineh ingi sembe ingi bafuuh báde
ingi leerhu Díino.

Adékekineh a duniyaño ingi maleekañaño
jup.

Apútordir, akankáneh ki biñaamo adét ki
básuumo ayik a duniyaño níp.

A waato nómár biñaamo níp amukhuneh a
duniyaño.

Nim Yensa alóbne a gubaaaru waato
n'añoolinekinehne a duniyaño.

Angu, Yensa aṇoolindir arijanna
abúuñbuuñ ñantaalibehinem a duniyaṇo
benen benen k'antéekin jamaṇo
Kúmbuuñaamo Kúnsuuminno.

Utaalibehu Yensa m'aretuhne Saṇ,
f'alaamerne, Yensa ajellihinemjellihin
h'ayikhinehne a waato no úmár
aṇoolinekinnehne a duniyaṇo.

Hoṇon hoṇon ho Yensa ajellihinne Saṇ, Saṇ
añaañ a liibáro.

Líibáro inno ingine liibáro abiyaamo a
Liibárho Gúloku Díino.

Gurethu liibáro nómár ingine, Bujellihinno.
(Ho Díino Ajellihinne Saṇ).

Jantenteṇ ni líibáro nómár atonjumne.

Jantenteŋ Gúloku Díino.

¹ A Líibáro inno añaañ h'adékehne buyiko. Údooluku Ukáristo m'aretuhne Saŋ, úmár añaañne líibáro inno. Fégeŋ baŋ, Díino anéneer Yensa Ukáristo badooŋo bujellihinku ñandóolhánom h'adékehne buyiko. Agida damiñ ki hómár ayik. Yensa, bajahi badooŋo bámár abúuñ maleekahánam imbi údoolhánom m'aretuhne Saŋ. Angu maleekaŋo nómár adék ajellihin Saŋ h'adékehne buyiko. ² Saŋ bafégi ho Yensa ásiibane bujellihinkinem añaañ nip. Maŋ ni afégne, maŋ nim gañaañne. Wocureŋ hogurumaaren. Kanda h'añaañaane a líibáro inno, hómár agune ho Yensa Ukáristo

ajellihinne Saŋ. Kanda hómáránj nip
imbi Díino gafúruntné.

(Rev. 1:1-2)

Yensa ajellihinjellihin Saŋ honjoŋo jup a
gubaarhu h'ayikhinehne a waato no Yensa
aŋoolinekinéhne a duniyaŋo.

Ajellihin Saŋ a gubaarhu bífegeren.

Ho San afégne a bífegereno bímár, gúduk
aléleer buwuto.

Kanda h'aleerne ingine, jandiŋ Yensa
baŋoolinimer a duniyaŋo, ayikhineh
údiigeen úduk m'ahacne Díino, m'ahacne
Yensa dáde.

A bífegirenkinem, aret údiigeeno úmár,
honjo h'abenkilinimehne.

Angu honjo hómár h'afégne, honjo

h'abenkilinimehne ingine údiigeeno,
údiigeeno m'alápurne dáde, m'ahacne
Yensa ingi jamaño m'anfiyumne Yensa.

Úmár aguyhuneh umaasahu duniyaño nip.

Asíibaháneh bubujhu moñon moñon
m'afiyumne Yensa.

Abujhuneh jamaño jup.

Ayikhineh arme adé.

Angu úmár ingi armehinem añaamálinkineh
bukoku Israyel.

Jamaño m'angune na, jamaño
m'ampokunne Díino, jamaño m'anfiyumne
Yensa anlakáneh mara immeren nip
anniirohuneh.

Kanda umaasahu duniyaño ingi armehinem,
agi ampúti Jerusalem, Yensa aṇoolinekin

k'afañuna úmár ingi armehinem.

Apahálinkineh ñanfiyunku Yensa ingi
jamaño nip m'angune Jerusalem.

A bífegerenkinem, Sañ aféfeg Yensa iniman
wúuro m'agidirnehne jíbooño afero.

Jantenteñ ho Sañ añaañne a líibárhinem.

Hómár ingine ho Sañ afégne a gubaarhu
h'ayikhinehne a waato no Yensa
añoolinekinnehne a duniyaño.

¹¹ Angu afúrumi na, ífeg a
burukumbanku arijanna
n'akimbulane, ífeg na jíbooñ afer
fañ. Biningilini ífeg a jíbooño
údiigeen m'anay bugidirin. Angu
údiigeenno m'anane bugidirino haret
hanak gayikne. Gurethinem gúduko

«Mu gara aruurumohne.»

Gunakinno, «Úloku marigeno bareŋ.» Hareto hámar, ugidirinku jíbooño alahne. Úpájuli, úmár ganay bulekhu balóbo gara acaabeneh. Gañaamálineñaamálin hójondoŋo ki bawúuho apiren k'ayik. ¹² Agida ígihinem gakaanakaan ininkaman kuul agune na k'areñeh. Sano jup adóorlinaane a bigokunom. Kanda údiigeeno úmár, ayikyik guret gúduk gu úmár bareŋ apájulne. Gureto gúmár ungo na n'anñaañ a binaanam. ¹³ Údiigeeno úmár akaanakaana sabadoor, kanda sabadooro nómar nip aparapara muheen. Údiigeeno úmár, gurethinem, Gúloku Díino.

¹⁴ Údiigeeno úmár, úmár
gagidárinehne jíbooño afero ki
armehu arijanna antifhem, ingi
bayaaho bafero ingi jíbooñoño
aferenjo. ¹⁵ Imbi údiigeeno m'anoone,
a buruhunom ífefeg busandi
b'ayennehin. Agida búmár
gadékehne ba buñaamálinku siyenku
duniyaño k'afañánameeniñ. Angu
afañánameeniñdir mees údiigeeno
úmár aguyhunek Ukooñhánin
k'amaraheeniñ ingi sembe. Wúur
dafañánaham. A gubaarhu úmár,
Díino ajellihinkineh mintor
n'añuumulne a gubaarhu
h'enkaanoñne. Úmár akankánehne ki
jamaño ampájul sembehu
m'afañunumne n'ayik sembenjo nip

ingi n'añuumulne a gubaarhu ho
jamaño ankanne. Buñuumulo bu
Díino añuumihinehne akankáneh
ininkaman n'anjégumehne reseño a
sídeeno ki baarunjo agírum na.

¹⁶ Inini, a sabadoorhu
m'agidirinehne jíbooño, anñaañ
na, «Ulaameku ñammaasaño nip.»
Anfak anñaañ na anyéj, «Umuyhu
ñanlaamero nip.» Nim ganñaañne a
sabadooro a bubonjo.

.....

¹⁹ Afúrumi na, ífeg honjo
h'abenkilinimehne. Honjo
h'abenkilinimehne, hómár agune na
ingi ñammaasahu duniyaño. Agida
n'anjógne na immerenjo nip ingi

armenkinin. Immereṅ gandékehne
ba buñaamálínku ugidirínku jíbooño
ingi armehinem na. ²⁰ Angu
ugidirínku jíbooño ingi armehinem
andék anlah honjo
h'abenkilinimehne. Anfak anlah
anabiyonjo m'ajodumohne. Agida
honjo h'abenkilinimehne, hómár
abúuñne anabiyonjo n'ajodumohne. A
buhathánam anabiyonjo nómár
apiren afúnnoh tamaasereṅo
n'ajoosunumohne jamaṅo. Agida
imbi jamaṅo ayikyik m'anlóki
k'antamaasureeniṅ arinenkinin.
Immereṅ anjoyane a jannoku honjo
h'abenkilinimehne. Angu immereṅ
bareṅ anjahne tamaasero nómár.
Angu anabiyonjo n'ajodumohne úmár

ajodne jamaño immeren̄ a gubaarhu
tamaasereño n'afúnnohne. Kanda
f'anlahne honjo, úmár mees
anlaham. Banlaheenin̄ anworeenin̄
n'anjéb a kuulo kúndenno a bayenno
b'asuulohne k'adúhunohne wat.

²¹ Agida busandiño b'afúruntn̄e a
buruhu ugidirinku jíbooño, búmár
abujne jamaño índukoño. Banniirohi
lohaareño andooh k'ankáb f'anhay.

(Rev. 19:11-16, 19-21)

Angu honjo h'abenkilinimehne, údiigeeno
m'ahacne Yensa ingi ñanfiyunku Yensa,
úmár asíibáásiib ki jamaño a duniyaño nip
ambúuñaham iniman díin.

Ayéji mara úmár ingine Díino.

Úmár, ayikhineh annabiyonkánom.

Angu, annabiyonku údiigeeno úmár
akankáneh tamaasereño jup ki jamaño
ambúuña úmár, honjo h'abenkilinimehne.

M'anfoyne gúbuuñahánam. M'anfoyne
anjoya a jannokunom, abujháneeniṅ.

Honjo h'abenkilinimehne, asíibaháneh
bubujhu ñanfiyunku Yensa nip.

Adékhineh baman Israyel ingi armehinem
k'añaamálineeniṅ.

Kanda gampúti a burukumbanku
Jerusalem, Yensa apahunkuneh
m'ampokunemne.

Umaasaño ingi armehinem ansíibaháneh
bubujhánin, kanda Yensa apahunkáneeniṅ.

Adékekineh n'agidirinehne jíbooño afero.

Adékekineh ingi armehinem, maleekaṅaño

jup k'añaamálin honjo h'abenkilinimehne
ingi armehinem.

Añaamálíneeniḡ k'afaḡánaheeniḡ.

Alakáneḡ honjo h'abenkilinimehne ingi
annabiyonkánom k'aworeeniḡ a kuulo.

Gúloku Díino ayéji:

Banlaheeniḡ anworeeniḡ n'anjéb a
kuulo kúndenno a bayenno
b'asuulohne k'adúhunohne wat.
(Rev. 19:20)

Angu, afaḡunandir umaasaḡo ingi
armehinem, Yensa aguyhuneḡ umaasahu
duniyaḡo nip.

Anokuneḡ Jerusalem k'amara duniyaḡo nip.

A waato nómar biñaamo a duniyaḡo nip
adéthineḡ.

Básuumo bareŋ aguyhuneŋ a duniyaŋo a
waato nómár.

Yensa aguyhuneŋ umaasa újooni.

Aguyhuneŋ umaasahu duniyaŋo nip.

Angu, nim Yensa ajellihinne Saŋ a
gubaarhu waato n'aŋoolinekehne a
duniyaŋo.

Kanda Yensa afak ajellihin Pol honj a
gubaarhu waato nómár, waato
n'aŋoolinekehne.

Ajellihinjellihin Pol mara jandiŋ
baŋoolinimer a duniyaŋo, Yensa
akengunkuneŋ a biniironjo moŋon moŋon
m'afiyumemne k'anéer moŋon moŋon arino
awunkulo.

M'anjébine a waato nómar, Yensa
akengunkuneenij immerenj mees k'anéer
monon monon arino awunkulo.

Angu Yensa akengunkuneh immerenj nip,
m'anniirone ingi m'anjébine a waato nómar,
k'anguy imbi úmár a hakubo

Jantentenj ho Díino ajellihinne Pol.

Jantentenj Gúloku Díino.

Ho Pol añaañurne m'anfiyumne Yensa a
bukoku Tesalonik, sapitáro areninno.

¹³ Inini, ninkinan índoonenenkum
ingi indimaanankum imbi Yensa;
Ísiibáámiñsiib k'úpájálánj
h'ayikhinehne imbi m'anniirone.
Agida aji úpájuli hómár, údinhen
imbi Yensa ganiirohi daléerumo

dáde. Ñanfiyunku Yensa aji ayiki
údinhinin m'aniiro,
galéerunkeeningleerum kanda damíir
ingi mi fiyindenenge Yensa. Agida
imbi mi jíkirenenge Díino mungu,
unanin aniirodir
galéerunkuneeningleerum fanfanj.

¹⁴ Fégenj banj, mintor, eke
índomondom mara Yensa aniironiirro
k'akenginaa a biniironjo k'ajéb? Iyoo.
Angu inini, na angu impirenonj
índomonj mara Díino apiren akengun
ñanfiyunku Yensa ki Yensa,
ganjoolinti a duniyano adoohor
immerenj mees. ¹⁵⁻¹⁶ Agida
h'édekeminne búteekinkinan,
Umuyhintor fankánam nim galóbne.
Ingah! A waato nómar inho

gadékehne ba buyiko: Díino gayéji
waato abábár, ulaameku
maleekanaŋo ayéjhineh k'andur
fanfaaro no Díino. Ganduri fanfaaro,
Umuyhintor afúrumokuneh arianna
k'akucor ba guŋoolintáro a
duniyaŋo. Samánduko m'angune ingi
Ukáristo f'anniirone immeren
annokuneh mintor jankengo.

¹⁷ Immeren ankengunaadir, mintor
m'inroŋoŋne bíndokhoŋ, índokhunon
a raafo k'inkokayoŋ ingi immeren ba
imbi Umuyhintor a hakubo. Hómár
gadékehne ba buyiko. Nim ungu
inguyhunon ingi Umuyhintor baman
dagurumaaren. ¹⁸ Inini, ninkinan,
n'úpájulenŋe angu h'adékehne

buyiko, ísiibáásiib k'úteekinayen
hómár ki nim ubocinayen jamméej.

(1 Thess. 4:13-18)

Lentaarenj mara fo Yensa asorne bíriku
Lasar, jandinj bakengunumne Lasar a
biniironjo, Yensa ayéji:

Me ingine m'akengunehne wúuro
ingi m'anéerumehne kanjébo ka
bandór. Ugurumaarenj afiyumeemne,
haani aniiro a duniyano, ajébhineh.

²⁶ Ugurumaarenj ayikne kanjébo
k'akir afiyumeem daniirohar. (Jn.
11:25-26)

Nim Yensa alóbne. Angu, aji marigeno,
ufiyumfiyum Yensa, afero mara a waato no
Yensa aṅoolinekinahne, akengunkuneh
arinken a búyindo k'anéero arino awunkulo.

Akengunkuno k'uguy a hakubo ingi Yensa
k'uṅooliner a duniyaṅo ingi Yensa.

Aji újebi a waato no Yensa
aṅoolinekinene, aji ufiyumi Yensa, Yensa
akengunkuno k'anéero arino awunkulo
k'uguy a hakubo ingi Yensa, k'uṅooliner ingi
Yensa a duniyaṅo.

Angu Yensa akengunkuneh moṅon moṅon
m'afiyumemne k'anéerem arino awunkulo.

Hómár ayikhineh a waato no Yensa
aṅoolinekinene.

Gúloku Díino ayéji:

Díino gayéji waato abábár,
ulaameku maleekaṅaṅo ayéjhineh
k'andur fanfaaro no Díino. Ganduri
fanfaaro, Umuyhintor afúrumokuneh

arijanna k'akucor ba guṇoolintáro a duniyaṇo. Samánduko m'angune ingi Ukáristo f'anniirone immerenṇ annokuneh mintor jankengo.

¹⁷ Immerenṇ ankengunaadir, mintor m'inroṇoṇne bíndokhoṇ, índokhunon a raafo k'inkokayoṇ ingi immerenṇ ba imbi Umuyhintor a hakubo. Hómár gadékehne ba buyiko. Nim ungu inguyhunon ingi Umuyhintor baman dagurumaarenṇ. (1 Thess. 4:16-17)

Díino afak ajellihin Pol h'adékehne buyiko a waato no Yensa aṇoolinekehne k'anéer moṇon moṇon m'afiyumemne arino awunkulo.

Jantentenṇ ho Pol añaañne imbi ñanfiyunku Yensa m'angune Korant.

Sapitáro butinkeno.

⁵¹ Inini, ninkinan, janteneŋ baŋ!
Ísiibáásiib búteekinkinan ho jamaŋo
pájiireneŋne fam. Hómár agune
mintoroŋ nip dinniirohoŋ. Kanda
bumburunku arinenkintor
akúbulaháneh. ⁵² Agida hómár
akasháneh buyiko. Fégeŋ baŋ
ayikhineh fanfaaro n'anaŋakánehe.
Agida fanfaaro nómár anaŋadir
dafak anaŋahar baman
dagurumaareŋ. Samánduko Díino
akengunkuneh m'anniirone nip.
Ankengunaadir arinenkinin dafak
apuña. Mintor mungu, akúbihineh
bumburunku arinenkintor
samánduko. Te hómár nip ayikhineh
a bájeginenku waato no wúuro

akeemunkunehne k'aning. ⁵³ Fégeŋ
baŋ, arinenkintor hotir hotir gaŋane
biniironjo. Kanda añantay akúbula ki
k'anguy arineño no dapuñahar.
Arinenkintor n'anŋane biniironjo
añantay anguy arineño no
danniirharne. (1 Cor. 15:51-53)

Mintoronj nip, inyikonyik arineño
n'ampájulne banuyonjo ingi bajébiriño.

Arinenkintor, hotir hotir adef adef adef
f'adék aniiro.

Kanda nanka a Gúlokunom, Díino
atéekintee kin mintor mara a waato no
Yensa aŋoolinekinene, akengunkuneh
moŋon moŋon m'afiyumne Yensa k'anéerem
arino awunkulo.

Gúloku Díino ayéji:

⁵³ Fégeŋ baŋ, arinenkintor hotir hotir
gaŋane biniironjo. Kanda añantay
akúbula ki k'anguy arinejo no
dapuñahar. Arinenkintor n'anŋane
biniironjo añantay anguy arinejo no
danniioharne. (1 Korant 15:53)

Angu arino awunkulo no Díino anékinene
moŋon moŋon m'afiyumne Yensa,

Arino nómár dapájul banér, dapájul
banuyoŋ, faka daniiohar.

Angu m'afiyumne Yensa anguyhuneŋ imbi
Yensa a hakubo k'anŋooliner ingi Yensa a
duniyaŋo

Anguyhuneŋ ingi Yensa baman
dagurumaareŋ.

Emisiyoŋo n'adékirehne ífekunoŋ a gúloku

Díino h'adékehne guyiko aji Yensa anoolinti
mees.

Kanda gub ínfegonfeg ho Gúloku Díino
ayéjne a gubaarhu h'adékehne buyiko
jandiŋ Yensa banoolinimer a duniyaŋo.

Guliiho, biñaamo alabaháneh a duniyaŋo
benen benen.

Faka didiiraŋo ayindinaháneh benen benen
a duniyaŋo.

Kúugo mees alabaháneh a duniyaŋo.

Hómáránŋ nip tamaaser.

Díino ajellihinkineh jamaŋo a gubaarhu
tamaasereŋo amáránŋ mara waathu
gunoolinku Yensa adasridas.

Faka, Gúloku Díino ayéji mara údiigeeno
m'ahacne Yensa ingi m'anfiyumne Yensa

aguyhuneh umaasahu duniyaŋo nip.

A Gúloku Díino gurethu wúuro úmár ingine
honjo h'abenkilinimehne.

Waato nómár aguyhuneh waathu kuyoho
dáde

Honjo h'abenkilinimehne arifhineh bubujhu
moŋon moŋon m'afiyumne Yensa

Adékhineh baman Israyel ingi armehinem
ba bubujhu jamaŋo m'angune bim.

Kanda apútdir a burukumbanku Jerusalem,
Yensa aŋoolinekineh.

Gúloku Díino ayéji mara....

Anfékinem n'adékirehne ingi hakubo
ingi sembe ingi bafuuh báde ingi
leerhu Díino. (Mak 13:26)

Aṅoolinekineh ingi maleekaṅaṅo jup
k'añaamálin umaasaṅo ingi armehinem
k'afaṅánaheeniṅ.

Gafaṅunaheeniṅ mees, aworhuneḥ
umaasaṅo, honjo h'abenkilinimehne, úmár
ingi annabiyonkánom, aworháneeniṅ a
kuulo.

Angu a waato nó Már Yensa aguyhuneḥ
umaasahu duniyaṅo nip.

Akankáneh ki básuumo aguy a duniyaṅo
nip.

Kanda jandiṅ waato nó Már

Jandiṅ Yensa baṅoolinimer a duniyaṅo,
Yensa akengunkuneḥ moṅon moṅon
m'afiyumemne.

Ñanfiyunku Yensa m'anniirone,

akengunkuneeniṅ nip k'anéereeniṅ arinen
awunkulonṅ.

Ñanfiyunku Yensa m'anjébine a waato
nómár, Yensa akengunkuneeniṅ
k'anéereeniṅ arinen awunkulonṅ.

Anyikhineh arineṅo no dapuñahar no
daniirohar.

Angu ñanfiyunku Yensa nip anguyhuneḥ
ingi Yensa k'anṅooliner ingi Yensa a
duniyaṅo.

Angu, moṅon moṅon m'afiyumne Yensa
aguyhuneḥ ingi Yensa f'anṅoolintne, f'agune
umaasahu duniyaṅo nip.

Emisiyoṅo n'adékirehne uyennehinkineḥ ho
Gúloku Díino alóbne a gubaarhu waato
nómár.

Uyennehinkineh mara Yensa ayabháneh
duniyaŋo awunkulo.

Angu, m'anfiyumne Yensa anguyhune
bandór ingi Yensa a duniyaŋo awunkulo.

Duniyaŋo nómár ajónkáneh fanfan

Biñaamo dayik.

Hójondoŋo dayik

Banéro dayik.

Biniironŋo dayik.

Básuumo bareŋ aguyhune na bandór.